



Sparagné cutes tres le mioramënt energetich di frabricac, inzentivaziuns por ressanè la cíasa y sfrutè le bonus de cubatöra por 200 m³

Çi lege regolamentèia pa la detrazion fiscal:

Le stat talian à bele aproè l'ann 2007 tres la lege finanziaria na prozedöra interessanta y inovativa por trà jö le 55% dles spèises sostignides tres la recualificaziun energetica di frabricac (lege n. 296 di 27.12.2006).

Çi spèises pòn pa trà jö:

Gran pert dles spèises che an po trà jö reverda l'instalaziun de panì che sfrüta l'energia dl sorèdl por la produziun de ega cíalda, la sostituziun de vedli implanç de scialdamënt cun implanç nüs a condensaziun, l'isolaziun di mürs, la sostituziun de finestres y d'atres mosöres de mëndra entité dagnora colia des ala recualificaziun energetica di frabricac.

Sòn tan d'agn pòn pa trà jö la cuta y çina çí soma pa?

Atualmënter pon trà jö le 55% di cosc sostignis por la recualificaziun energetica dl frabiat sòn 5 agn. Pro le ressanamënt total dl fabricat pòn trà jö max 100.000,00 Euro (55% de 181.818,18 Euro); pro le ressanamënt energetich parzial max 60.000,00 Euro (55% de 109.090,90 Euro); por l'instalaziun de panì che sfrüta le sorèdl por le scialdamënt dl'ega max 60.000,00 Euro (55% de 109.090,90 Euro); y pro implanç de scialdamënt max 30.000,00 Euro (55% de 54.545,45 Euro).

Pòn ince ciafè contribuç provinziài tres l'ofize dl sparagn energetich?

Sce an podò çiamò cumpedè dan da n valgügn agn l'alisiraziun statale dl sparagn dla cuta pro i contribuç da pert dla Provinzia, ne vel chèsc sègn nia plü. Chèsc ô di che an mës programè danfora bun l'intervënt de ressanamënt y tó la dezijiun de damanè o òna o l'atra alisiraziun. Implü mësion di che la Provinzia à da püch aproè criters nüs por les domandes de contribut a fond pordü. En general ô chilò la Provinzia arjunje che al vègnes fat laürs de ressanamënt energetich di frabricac cun de plü cualité y nia ma de pici laürs de isolamënt singui, mo insciö da rovè pro n bun sparagn de ressurses energetiches de nusc frabricac.

Ressanè y ingrandì l'abitaziun de 200 m³ é pa chèsc poscibl?

Les leges d'alisiraziun por le ressanamënt é dër interessantes sce ares vègn programades bun y ti confrunc dl debit de cuta da paié che an po se sparagné. Laprò röiel n bonus de cubatöra sce an po danfora desmostrè che ara va da d'arjunje cun l'intervënt de ressanamënt energetich almanco n standard de cíasa clima "C". Aladò dla deliberaziun dla junta provinziála n. 1609 dl 15.06.2009 pòn s'anuzè de chèsc bonus de cubatöra sce i laürs de ressanamënt y ampliament vègn metüs man anter le 31.12.2010. Por s'anuzè dl sparagn sòn la cuta y dl "bonus de cubatöra" vara da s'anuzè danfora de na consulènza apostata y de çiarè che i profescionisc laòres bun adöm por arjunje i resultaç che an se mèt dant.

L'inzentivaziun dl 36% de sparagn Irpef por spèises de restrotoraziun o cumpra de box por auto pertinenzial ala pröma abitaziun

Por spèises de restrotoraziun pon inant tignì cunt fina al 31.12.2012 dla detrazion dl 36% dala cuta Irpef tla mosöra mascima de 48.000,00 Euro por i laürs desvalis de manutenziun ordinaria y de restrotoraziun regolà aladò dl art.1 comma 3 dla lege 27.12.1997 N. 449. Le medemo sparagn de cuta pòn ciafè por la realizaziun dl pröm garage/box pertinenzial pro l'abitaziun prinzipala. Por ciafè les alisiraziuns fiscales ôl ester n davagn y menè denant co fà i laürs na comunicaziun al zënter operatif de Pescara.

Ciafi informaziuns specifiches ince tla Cassa Raiffeisen Val Badia?

Ala Cassa Raiffeisen ti stàl a cör da i dè sostègn y consulènza ai tliènc. Insciö Ves pitunse tres la convenziun cun l'Ajentöra Cíasa Clima "Klimahausagentur" na consulènza de basa da pert de esperc che Ves dà cun n surapost na pröma informaziun y consèis de basa por n ressanamënt energetich de Osc fabricat.



Por de plü informaziuns damanede do te vigni portina dla Cassa Raiffeisen Val Badia.

Thomas Pescollderung



Raiffeisen

Cassa Raiffeisen Val Badia
www.valbadiaonline.it